

Baksaek Haj Yienh Lienzvuen Angqcoux Ciengmoq

百色五县联欢迎春

1 nyied 28 hauh banhaemh, Baksaek Si Lingzyinz、Lozyez、Denzlinz、Lungzlinz、Sihlinz haj aen yienh saebaek Guengsae neix bi 2016 lienzhab angqcoux ciengmoq vanjvei youq Lingzyin Yen Veiui Cungsim yienjok cezmu ndeiawj.

Banhaemh 8 diemj cung, vanjvei youz haiciengz gofoux《Bi Lingzgim Vuenyungz》hainduj yienj. Cezmuz lij miz bouxsai daihlieneciengq《Ranz Huz Fanh Saeh Hoengh》、mehmbwk siujcuj ciengq《Fwen Diemz》、heiq cingzgingj《Simniemh》、Heiqcuengh《Roegenq Daeuq Guk》daengj 15 aen cezmu dem. Daengx daiz vanjvei cezmu neiyungz yungzhaeuj le gij minzcuz vwnzva haj yienh saebaek Guengsae raeuz, cungmuenx le daegsaek deihfueg naekna, cienzndenq le gij naengzliengh ndei dangdieg vunzlai ndiepgyaez saedcej、gaenxmaenx doxhwnj.

(Yangz Dunghcan/杨通站 Siuh Fazlingz/肖发凌)



▲Lingzgim daeuq cieng.



▲Heiqcuengh《Roegenq Daeuq Guk》.



▲“Bouxak Fwenmyauz” gyoebhab hwnjdaiz eu fwen.

Fwenmyauz Yungzsuij Ndae

Swcigih Gaep Ciengi

融水苗歌获自治区奖

Mboengqneix, “Bouxak Fwenmyauz” gyoebhab youz Yungzsuij Myauzcuz Swciyen vwnzdij sinhvvangigiz cujiz camgya bi 2015 “yienjsouh yaemgo minzcuz” doxdax haenx, ndaej Guengsae youhswngciengj. Baez doxdax neix yinx ndaej Huznanz、Gveilinz、Namzningz、Liujcouh daengj dieg canghfwen 3000 lai boux (cuj) camgya, bouxcamgya baugvat miz canghyw、bouxguhnaez、lauxsae、hagseng daengj, gij go baugvat fwenliuz Denzdungh、diuhgo Dahdozniengzgyangh Lungzlinz、Fwenbuenzvuengz Yauzcuz、golauh Dungcu daengj haujlai cungj. “Bouxak Fwenmyauz” gyoebhab Yungzsuij senj soengq haenx, youq seiz camgya gij doxdax rangh Liujcouh, yungh samsingbough yienjciengq le yenzswngdhaidaezswng Fwenmyauz《Laeuj Beix》, ndaej “cib ndei canghfwen minzcuz” cwnghueh, swnhleih haeuj Namzningz fuksaic, ginggvaq fuksaic、gietsaic, doeklaeng ndaej “Guengsae youhswngciengj”.

Ciuq cam rox, Yungzsuij baez daih’ it ndaej swcigih gaep ciengjhangh cungj doxdax neix, mizyauq swnjcienz Myauzcuz vwnzva, vih coicaenh dieg henzgyaic minzcuz doxgiet、dajcaux Guengsae yienh okmingz daegsaek lijyouz okrengz.

(Siz Gveiz/石奎)

Sanhgyangh: Lwghag Gyajgeiz Hag Dajsiuq Swnjcienz Ndei “Feihyiz”

三江：假期学刺绣 学子承“非遗”

Mboengqneix, gyoengq lwgnyez Sanhgyangh Dungcu Swciyen Dungzloz Yangh Dungzloz Cunh cungj gaenx hagsib dajsiuq. Hanzgyaj hainduj le, aen yangh neix Dungcu dajsiuq swnjcienz gihdi bienqbaenz ciengzdieg gyoengq lwghag hagsib dinfwngz minzcuz. Gaenx geij bi neix daeuj, aen yienh neix haenqrengz gyahung cimhra caeuq swnjcienz feihvuzciz vwnzva yizcanj hanghmog ligdoh, doenggvaq hengzguh minzcuz vwnzva haeuj hagdangz、haeuj segih、haeuj mbanj caeuq “feihyiz” dinfwngz beizyin nem doxdax daengj fuengsik, hawj Dungcu vwnzva cingbinj ndaej swnjcienz caeuq hwngfat.



▲Dajsiuq aeu daj iq hag.

Ciuq cam rox, aen yangh neix baengh “Siuqdung”, hawj 200 lai boux mehmbwk lajmbanj miz hong guh, Vehdung、dajsiuq daengj minzcuz lijyouz gunghyibinj gai bae daengz guekrog, bi swngheanj、haifat minzcuz vwnzva canjbinj 3000 lai gienh, gai ndaej ngaenz 60 lai fanh maenz.

(Gunj Yicungh/滚亿忠)

Gunghcwngz: Ciengmoq Vwnzyi Roengzmbanj

Cunzyienj Youq Lungzhuj Yangh Hainduj

恭城：新春文艺下乡巡演在龙虎乡开启



▲Bouxyienjheiq biujyienj gofoux cezmu.

“cauxguh huzndei Gunghcwngz, caezlaeb siengjmuengh Cungguek”, youq aen yienh neix 9 aen yanghcin guh cunzyienj.

(Liengz Veih/梁辉 Se Cunghvaz/谢宗华)

1 nyied 27 hauh, Gunghcwngz Yauzcuz Swciyen bi 2016 ciengmoq vwnzyi roengzmbanj youq Lungzhuj Yangh banh ciengz daih’ it yienjok hozdung. Baez hozdung neix yinx ndaej haujlai vunzlai daeuj ngonzyawj, dangdieg beixnuengx Yauzcuz danqhaenh le baez yienjok hozdung neix. Baez hozdung neix mboujdan daezsang vunzlai seizhoengq vwnzva saedcej, youh dajcaux gij heiqfaenh ndwencieng ndei.

Ciuq cam rox, baez cunzyienj neix youz Gunghcwngz Yenveij Senhconzbu、Yen Vwnzlij Gvangjdijgiz caeuq gak yanghcin lienzhab cujiz, vwnzyi yienjok cawjdaez dwg